

IN FESTO  
S. JULIANÆ  
DE FALCONERIIS  
VIRGINIS.

SEMIDUPLEX.

*Omnia de Communi Virginum,  
exceptis iis, quæ hic propria  
ponuntur.*

*Ad Vesperas, & ad Matutinum,*

## HYMNUS.

CÆlestis Agni nuptias,  
O Juliana, dum petis,  
Domum paternâ deseris,  
Chorumq̃ ducis Virginū.  
Sponsūque suffixum Cruci  
Noctes, diesq̃ dum gemis,  
Doloris ista cuspide  
Sponsi refers imaginem.

Quin septiformi vulnere  
Fles ad genu Deiparæ;  
Sed crescit infusa fletu,  
Flammâq̃ tollit charitas.  
Hinc morte fessam proxima  
Non usitato te modo  
Solatur, & nutrit Deus,  
Dapem supernâ porrigens.  
Æterne rerum Conditor,  
Æterne Fili par Patri,  
Et par utrique Spiritus  
Soli tibi sit gloria.

Amen.

## ORATIO.

Deus, qui Beatam Julianam Virginem tuam extremo morbo laborantem pretioso Filii tui Corpore mirabiliter recreare dignatus es, concede quæsumus, ut, ejus intercedentibus meritis, nos quoque eodem in mortis agone resecti, ac roborati ad cælestem patriam perducamur. Per eundem Dominum.

*Lectioes primi Nocturni de  
Scriptura occurr.*

## IN II. NOCTURNO.

*Lectio iv.*

Juliana ex nobili Falconeria Familia Clarissimo Patre, qui templum Deiparæ ab Angelo salutata ære suo magnificè à fundamentis

\*

mentis Florentiæ, ut nunc  
visitur, erexit, Matre Re-  
guardata ambobus jam sene-  
scentibus, ac ad id tempus  
sterilibus, nata est anno mil-  
lesimo ducentesimo septua-  
gesimo. Ab incunabulis non  
exiguum futuræ sanctitatis  
specimen dedit; vagientibus  
quippe labris, suavissima Je-  
su, & Mariæ nomina ultrò  
proferre audita est. Pueri-  
tiam postmodum ingressa  
totam se christianis virtuti-  
bus mancipavit, in quibus  
adeò excelluit, ut Beatus  
Alexius patruus, ejus insti-  
tutis, ac exemplis instruebatur,  
Matri dicere non dubi-  
taverit, ipsam non foeminam  
peperisse, sed Angelum; nam  
ita modesto vultu, animo-  
que ab omni, vel levissima  
erroris macula pura fuit, ut  
oculos nunquam in toto vi-  
tæ cursu ad hominis faciem  
intuendum crexerit, audito-  
que peccati vocabulo con-  
tremuerit, immò sceleris  
narratione perculsa, illicò  
propè exanimis corruerit.  
Expleto nondum decimo-  
quinto ætatis suæ anno, re  
familiari, licèt opulenta, ter-  
renisque posthabitis nuptiis,  
Deo virginitem in mani-  
bus Divi Philippi Benitii so-  
lemniter vovit, ab eoque  
omnium prima religiosum  
Mantellatarum habitum, ut  
dicunt, sumpsit.

ꝛ. Propter veritatē, &  
mansuetudinem, & justiciam.  
\* Et deducet te mirabiliter  
dextera tua.

ꝝ. Specie tua, & pulchritu-  
dine tua, intende, prospe-  
rè procede, & regna. Et de-  
ducat.

*Lectio ꝛ.*

**J**ULIANÆ exemplum secutæ  
sunt plurimæ ex nobilio-  
ribus Familiis foeminæ, ac  
Mater ipsa Eiliæ sese religio-  
sè instituendam dedit, itant,  
aucto paulatim numero, Or-  
dinem Mantellatarum insti-  
tuerit, ac illi piè vivendi le-  
ges summa prudentia, ac  
sanctitate tradiderit. Ejus  
virtutes cum optimè perspe-  
ctas. Divus Benitius haberet,  
morti proximus, nulli me-  
lius, quàm Julianæ, non foe-  
minas tantum, sed & totum  
Servorum Ordinem, ejus  
Propagator, & Moderator  
extiterat, commendatum  
voluit. Verùm ipsa demissè  
semper de se cogitabat, &  
cum cæterarum esset magi-  
stra, in re quaque domesti-  
ca, licèt vili, sororibus fa-  
mulabatur. Assiduitate oran-  
di integras insumebat dies, in  
estasi sapissimè rapta, &  
si reliquum, in sedandis Ci-  
vium dissidiis, criminosis à  
via iniquitatis retrahendis,  
ac inserviendis impendebat  
agros



agrôtis, quorum quandoque  
laniem ex ulceribus manan-  
tem, admoto ore lambens  
eos sanitati restituebat. Cor-  
pus suum flagris, nodosis  
funiculis, ferreis cingulis, vi-  
giliis, humi nudæ cubando,  
terere solita fuit. Parcissimè  
cibo, & hoc vili quatuor heb-  
domadæ diebus, & reliquis  
duobus solo Angelorum pa-  
ne contenta, excepto die  
sabbati, quo pane solo, &  
aqua nutriebatur.

R. Dilexisti iustitiam, &  
odisti iniquitatem: \* Pro-  
pterea unxit te Deus, Deus  
tuus oleo latitiæ.

V. Propter veritatem, &  
mansuetudinem, & iusti-  
tiam. Propterea.

*Lectio vi.*

**D**Ura huiusmodi viven-  
di ratione in stoma-  
chi morbum incidit, quo  
ingravescente, cum septuage-  
simum ætatis annum ageret,  
ad extremum vitæ spatium  
reducta est. Diuturnæ vale-  
tudinis incommoda hilari  
vultu, constantique animo  
pertulit: de uno tantum  
conqueri audita est, quod  
cum cibum capere, ac reti-  
nere nullo modo posset, ab  
Eucharistica mensa, ob Sa-  
cramenti reverentiam arce-  
retur. Verùm his in angustiis

cōstituta, Sacerdotē rogavit,  
ut allatum divinum Panem,  
quem ore sumere nequibat,  
pectori saltē exteriùs admo-  
veret. Precibus illius morem  
gessit Sacerdos; & mirum!  
Eodē temporis momento, di-  
vinus Panis disparuit, & Ju-  
liana sereno, ac ridenti  
vultu expiravit. Res supra  
fidem tandiū fuit, donec  
virginē de more curaretur  
corpus; inventa enim est cir-  
ca sinistrum pectoris latus  
carni veluti sigillo impressa  
forma Hostiæ, quæ Christi  
crucifixi effigiem represen-  
tabat. Hujus prodigii fama,  
cæterorumque miraculo-  
rum, non Florentiæ tan-  
tū, sed totius Christiani  
Orbis venerationem illi  
conciliavit, ac per quatuor  
propè integra sæcula adeo  
aucta est, ut tandem Benedi-  
ctus Papa decimus tertius in  
ejus celebritate Officium  
propriū recitari ab uni-  
verso Ordine Beatæ Mariæ  
Virginis Servorum jussit.  
Clemens verò duodecimus  
munificentissimus ejusdem  
Ordinis Protector novis in  
dies miraculis coruscantem,  
Sanctarum Virginum Cata-  
logo adscripsit.

R. Afferentur Regi vir-  
gines post eam, proximæ  
ejus, \* Afferentur tibi in  
latitia, & exultatione.

Specie tua, & pulchritudine tua, intende, prospere procede, & regna. Affe-  
rentur.

In tertio Nocturno Homilia  
S. Gregorii Papæ in Evangelium.  
Simile erit regnum cælorum  
decem Virginibus, ut in Com-

muni Virginum:

Nona Lectio SS. Gervasii, &  
Protasii, & Commemoratio ad  
Laudes.

In secundis Vesperis Comme-  
moratio S. Silverii Pap. & Mart.


Missæ de Communi Virginum  
Dilexisti.

## URBIS, ET ORBIS.

**A**D enixas preces P. Vicarii Generalis Apostolici, & P. Procura-  
toris Generalis Ordinis Servorum B. M. V. humillimasque  
supplicationes ejusdem universi Ordinis, ac Domus Falconeria Sacre  
Rituæ Congregationi porrectas, in eaque per Eminentissimum, &  
Reverendissimum Dominum Cardinalem Georgium Spinula relatas; Sac.  
eadem Congr. Missam, & Offic. S. Julianæ de Falconeriis Fundatricis  
Tertii Ordinis Servorum B. M. V. cum superscriptis Oratione, Hymno,  
& Lectionibus propriis secundi Nocturni sub die 20. Martii 1728.  
præfata Servorum Mariæ Religioni, & Civitati Florentiæ concessum,  
in posterum prout jacent, ab omnibus Christi fidelibus utriusque sexus,  
tam Secularibus, quàm Regularibus, qui ad horas Canonicas tenentur,  
die 19. Junii sub ritu semiduplici recitari, ac respectivè celebrari de-  
bere indulget, ac ita in Breviario, & Missali Romano apponi manda-  
vit, si SSmo. D. N. visum fuerit. Die 8. Martii 1738.

Factæque deinde per me Secretarium de prædictis SS. D. N. relatione  
Sanctitas Sua benignè annuit. Die 15 ejusdem mensis Martii 1738.

Fr. J. A. Card. Guadagni Pro-Præf.

Loco  Sigilli.

T. Patriarcha Hierosolymitanus,  
Sac. Rit. Cong. Secr.